

**«ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ԳԻՏԱԿԱՆ ԽՈՐՀՐԴԻ**

ՈՐՈՇՈՒՄ

3 Հուլիսի 2023, N 8 - 2

**ՖԻՆԱՆՍԱԿԱՆ ՖԱԿՈՒԼՏԵՏԻ
ԴԵԿԱՆԻ ՀԱՇՎԵՏՎՈՒԹՅԱՆ ՄԱՍԻՆ**

Լսելով և քննարկելով Հայաստանի պետական տնտեսագիտական համալսարանի մարքեթինգի և բիզնեսի կազմակերպման ֆակուլտետի դեկանի՝ 2021-2022 ուսումնական տարում և 2022-2023 ուսումնական տարվա առաջին կիսամյակում ֆակուլտետում իրականացված ուսումնական և գիտահետազոտական աշխատանքների և Հայաստանի պետական տնտեսագիտական համալսարանի 2018-2022 թթ. զարգացման ռազմավարությամբ նախատեսված գործողությունների կատարման մասին հաշվետվությունը (զեկուցող՝ ֆինանսական ֆակուլտետի դեկան, տնտեսագիտության թեկնածու, դոցենտ Վ.Կ.Միքայելյան)՝ «Հայաստանի պետական տնտեսագիտական համալսարան» պետական ոչ առևտրային կազմակերպության գիտական խորհուրդը **որոշում է.**

1. Ֆինանսական ֆակուլտետի ուսումնական և գիտահետազոտական աշխատանքների մասին հաշվետվությունն ընդունել ի գիտություն և կատարվածը գնահատել բավարար:
2. **Ֆակուլտետի դեկանատին՝**
 - 1) ֆակուլտետի գիտական խորհրդի նիստերում պարբերաբար անդրադառնալ դասաձախողումներին, դրանց կանխարգելման նկատմամբ լինել հետևողական.
 - 2) թղթային և էլեկտրոնային մատյաններում ուսանողների հաճախումների և ակտիվության գրանցման նկատմամբ հսկողությունն ու մշտադիտարկումները դարձնել ամսական.
 - 3) պատշաճ ուշադրություն դարձնել Moodle հարթակում առարկայական մոդուլների կահավորմանը.

- 4) օժանդակել շարժունության ծրագրերի ակտիվացմանը, ֆակուլտետի միջազգային կապերի ընդլայնմանը.
- 5) ֆակուլտետի գիտական խորհրդի նիստերում համալսարանի գիտական խորհրդի և ռեկտորատի որոշումների քննարկման ժամանակ վերհանել առկա խնդիրները՝ հետևելով նոր ռազմավարության կատարողականներին. խստապահանջ լինել էթիկայի կանոնների և աշխատանքային կարգապահության պահպանման հարցերում.
- 6) նպաստել նոր լսարանների կահավորմանը համապատասխան տեխնիկական միջոցներով.
- 7) կատարելագործել դեկանատի աշխատանքների կատարման որակը, նպաստել աշխատանքների արդյունավետության բարձրացմանը.
- 8) պարբերական դարձնել ֆակուլտետի գիտական խորհրդի նիստերին գործատուների մասնակցությունը՝ ակտիվորեն պահպանելով հետադարձ կապը նրանց հետ.
- 9) խստագույնս հետևել յուրաքանչյուր հանձնարարականի կատարման վերջնաժամկետներին, անհրաժեշտության դեպքում դրանք քննարկել ուսումնական աշխատանքների գծով պրոռեկտորի հետ:

3. Ֆակուլտետի կազմի մեջ մտնող ամբիոնի վարիչներին՝

- 1) համալսարանի ռազմավարական նպատակներից ելնելով հետևողական լինել ֆակուլտետի ամբիոնների ակադեմիական կազմի վերապատրաստման գործընթացին.
- 2) դեկանատի հետ համատեղ ընդլայնել արտաքին շահառուների հետ փոխգործակցության շրջանակը.
- 3) աշխատել մագիստրոսական կրթական ծրագրերի զարգացման ուղղությամբ, նորացնել և արդիականացնել առկա կրթական ծրագրերը, նախաձեռնել նոր կրթական ծրագրեր.
- 4) ակտիվացնել գիտահետազոտական աշխատանքների և ուսումնամեթոդական նոր նյութերի մշակումները.
- 5) աջակցել դրամաշնորհային ծրագրերով գիտահետազոտական աշխատանքներին մասնակցությանը.
- 6) փորձառությունների ծրագրերը դարձնել առավել համահունչ աշխատաշուկայի պահանջներին.
- 7) խրախուսել լավագույն ուսանողների ներգրավվածությունը միջազգային հետազոտություններում ու փոխանակման ծրագրերում.

- 8) կուրսղեկների և այլ դասախոսների ներգրավմամբ աշխատանքներ կատարել ուսանողական գիտական ընկերության գործունեության մեջ ուսանողների մասնակցության մակարդակի բարձրացման ուղղությամբ.
- 9) նպաստել ուսանողների և դասախոսների համատեղ հետազոտությունների իրականացմանը և տարբեր դրամաշնորհային ծրագրերում ներգրավմանը.
- 10) խրախուսել շնորհալի ուսանողների ստեղծագործական գործունեության հանրայնացումը:

4. Սույն որոշման կատարման նկատմամբ վերահսկողությունը վերապահել ուսումնական աշխատանքների գծով պրոռեկտոր Ա.Վ.Գրիգորյանին:

Գիտական խորհրդի նախագահ՝



Դ. Ռ. Գալոյան

2023 թ. հուլիսի 3
Երևան